



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1558. usque ad annum 1560

Fleury, Claude

August. Vind. [u.a.], 1771

VD18 90118588

§. 13. Actum de pace inter Hispaniam, Angliam, & Franciam.

[urn:nbn:de:hbz:466:1-66800](https://nbn-resolving.org/urn:nbn:de:hbz:466:1-66800)

„eorum, quæ ille, vel sibi, vel suis petet, „honeste recusare valeam. „ Hoc responso delusus Guisus haud ultra institit, eo potissimum nomine, quod rescivisset, Valentinam Ducissam, quæ quantumvis senio gravis, magna tamen adhuc gratia apud Henricum valebat, de insolentiori Cardinalis arrogantia apud Regem conquestam esse.

§. XIII.

Actum de pace inter Hispaniam, Angliam, & Franciam.

Jam a longo tempore de pace Hispanos inter, & Anglos, ac Gallos concilianda agebatur, & præprimis Valentinæ Ducissæ Guisus infensa, cum libertatem Connestabili Montmorentio procurare percuperet, Regi exponebat, quod præter Montmorentium, quem Philippus Rex captum detineret, nemo alius ad pacis negotium cum Hispanis maturandum magis idoneus esset. Annuit Rex, unde Connestabilis hanc provinciam non sine magna animi sui lætitia in se suscepit, ac præprimis amicitiam Sabaudi Ducis sibi conciliare satagebat, qui haud obscure intelligebat, quod ditionis suæ recuperandæ nulla sibi superesset spes, nisi prius conciliato utroque Rege. Ergo ambo rem apud Philippum tanto fervore urgent, ut is pa-

Sæcul. XVI.
A.C. 1558.

Be'car.
Thuan. l. 6.
Popelinier.
l. 5.

Sæcul. XVI.
A.C. 1558.

cis colloquium haberi tandem consentiret, moxque ipsummet Connestabilem ad Henricum II. decerneret, eo fine, ut hunc regem pariter ad hoc colloquium incitaret. Henricus, qui tum in suis castris ad Sommam agebat, Montmorentium maximis honorum signis excepit, quin imo eidem obviam procedens in ejus amplexus ruit, atque ipsum etiam suo lecto insidere fecit, quæ benevolentia certe Guisii Principibus permolesta acciderat. Ceterum nonnisi de seligendo colloquii loco agebatur, ac præ ceteris ad inchoandas consultationes magis opportuna censebatur Abbatia Cercampensis, quæ in Arthesiæ comitatu sita haud procul ab Hedena urbe distabat. Eo igitur Mense Octobri ad medium vergente Legati utrinque magno numero convenere.

§. XIV.

Cercampensis congressus pro pace restauranda.

Itaque Cercampum veniunt Regis nomine Cardinalis Lotharingus, Connestabilis Annas Montmorentius, Jacobus Albo Santandreas. Marcellus, Joannes Morvillerius Episcopus Aurelianensis, & Claudius Albaspinæus a fecretioribus epistolis: Nomine autem Philippi